



Inuit Ataqatigiit Inatsisartuni

Nuuk, 20.01. 2010

Inatsisartut suleriaasianni § 36, imm. 1 naapertorlugu matumuuna imaattunik Naalakkersuisunut apeqquteqarpunga:
(Inatsisartuni ilaasortaq Naaja Nathanielsen, Inuit Ataqatigiit)

Nalakkersuisunut apeqqutit:

1. Naalakkersuisut Kalaallit Nunaanni arnat angutillu akissarsiutigalugu atortittarnerat atugaaneratalu annertuussusaa pillugu qanoq paasissutissiinnaappat?
2. Kalaallit Nunaanni arnat angutillu akissarsiutigalugu atortittarnerat Naalakkersuisut qanoq isumaqarfigivaat?
3. Ukiuni aggersuni inuussutissarsiutitigut annertusaaniarneq ilutigalugu arnat angutillu akissarsiutigalugu atortittarnerat killilersimaarniarusullugu Naalakkersuisut qanoq iliuseqalersaarpat?

Tungavilersuut:

Arnat angutillu akissarsiutigalugu atortittarnerat nunani allani ingerlaavartumik oqallisaajuarpoq. Oqallinnermi ilaatigut arnat angutillu akissarsiutigalugu atortittartuusarnerat inatsisitigut illersugaasumik inuussutissarsiutaasariaqartoq, illuatungaani lu ator-tittartunik atuisut pinerluuteqarsimasutut isigineqalertassasut tiki neqartarpoq.

Oqallinnerit tamakku arnat angutillu akissarsiutigalugu atortittartuusarnerat pillugu misissuisarnerpassuarnik tunuliaquteqartarput. Misissuineri nalunaarusiarineqartartut akissarsiutigalugu atortittartuusumut, atortittartunik atuisartumut kiisalu tuniniaaffinnut tunngasuusarput. Misissuinerit saniatigut oqallinneq sammisanut allanut qanittumik attuumatinneqartarpoq, soorlu atornerluiner mut aammalu pinerlunniartarnermut.

Pissusiviusut maani Nunatsinni atukkavut aallaavigalugit assingusumik taamatut oqallittoqarnissaanik matumuuna ujartuivunga. Arnat angutillu akissarsiutigalugu atortittartuusarnerat atugaammatt qularinngilara, taamaattorli arnat angutillu sorliit taamatut imminut tuniniartarner sut, pineqartut tunuliaqutaat aammalu maannakkorpiaq inuuniarnikkut atugarisaat pillugit ilisimasat paasissutissallu amigaatigivakka. Paasissutissalli tamakku pissarsiareqqaartinnagit eqqugaasut qanoq ikorfartorneqarlutik ikiorserneqassanersut sanarfiniassallugu ajornakusoorpoq.

Inuussutissarsiutaasinnaasut takkukkumaartussat eqqarsaatigalugit ajornartorsiut pillugu immikkut oqallittoqalernissaa pisariaqalersippaa, tassami ineriartornerup nasatareratarsinnaavaa anguterpassuit kisermaat Nunatsinnut tikeraler nerat anguterpassuillu piffinni aalajangersimasuinnarni eqiteruffeqalernerat.